

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 231230 23 St
Zenica, 26.09.2024. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupku nad stečajnim dužnikom Proizvodno, trgovinsko i transportno društvo „MPS i RMS“ d.o.o. Žepče, sa sjedištem na adresi Čoliješnica bb, Žepče, u prisustvu stečajnog upravnika Pašalić Muamera i punomoćnika predlagatelja Filipović Mirze, advokata iz Sarajeva, dana 26.09.2024. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predujem za obezbijedenje troškova stečajnog postupka u iznosu od 5.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predujem sud će po prijedlogu privremenog stečajnog upravnika zaključiti stečajni postupak nad subjektom Proizvodno, trgovinsko i transportno društvo „MPS i RMS“ d.o.o. Žepče, matični broj subjekta upisa 43-01-0008-11 (stari broj: 1-2911), te naložiti brisanje ovog društva iz sudskog registra.

O b r a z l o ž e n j e

Rješenjem ovog suda broj 43 0 St 231230 23 St od 09.10.2023. godine pokrenut je prethodni postupak radi utvrđivanja uvjeta za otvaranje stečajnog postupka nad stečajnim dužnikom Proizvodno, trgovinsko i transportno društvo „MPS i RMS“ d.o.o. Žepče, sa sjedištem na adresi Čoliješnica bb, Žepče.

Privremeni stečajni upravnik Muamer Pašalić je dostavio Izvještaj od 17.11.2023.godine u kojem je naveo da je uvidom u Uvjerenje Općinskog suda u Žepču od 05.05.2023.godine i 07.11.2023.godine utvrdio da društvo nema evidentirane nekretnine u svom vlasništvu, a niti je evidentirano kao nosilac prava u katastarskom operatu kako je to utvrdio uvidom u Uvjerenja Službe za graditeljstvo i prostorno uređenje od 08.05.2023.g i 07.11.2023.godine, da prema Bilansu stanja od 31.12.2022.godine društvo ne posjeduje pokretnu imovinu, da je provjerom kod nadležnog MUP-a utvrdio da društvo nema evidentirana vozila u svom vlasništvu, da prema pomenutom Bilasu stanja društvo ne posjeduje nikakvu drugu imovinu, da bilasne pozicije aktive knjigovodstveno i stvarno na kraju 2022.godine iznose 0,00 KM, da društvo ima otvorene račune u UniCredit bank dd, Raiffeisen bank dd i Addiko banka dd, koji su blokirani, da neizmirene obaveze iznose 10.593,00 KM, na osnovu čega su i blokirani računi stečajnog dužnika.

U Dopunskom izvještaju od 08.05.2024.g privremeni stečajni upravnik je naveo da je nakon podnošenja Izvještaja o radu, dobio obavještenje Uprave za indirektno oporezivanje BIH, Regionalni centar Sarajevo, da ima upisanu hipoteku na nekretninama stečajnog dužnika koje su upisane u zk.ul. br. 3 K.O. Strane. Nadalje, je naveo da je uvidom u

pomenuti zk. izvadak utvrdio da su obe parcele u procesu zamjene zemljišne knjige , kao i da je dobio informaciju da će navedene parcele biti korištene pri izgradnji brze ceste , da je stupio u kontakt sa JP Ceste FBiH , koji su potvrdili navode da su provodili ekproprijaciju na navedenim parcelama i da je Općina Busovača bila dužna dostaviti Općinskom sudu Travniku dokumentaciju potrebnu za upis prava vlasništva.

Na ročištu za ispitivanje uslova za otvaranje stečajnog postupka, privremeni stečajni upravnik je izjavio da nakon što je zaprimio dopis Uprave za indirektno oporezivanje o upisu zakonske hipoteke, obratio se JP Ceste FBiH d.o.o. sa molbom za dostavu dokaza da su nekretnine upisane u zk. ul. br. 3 KO Strane , vlasništvo stečajnog dužnika sa 1/1 dijela, eksproprisane. Stečajnom upravniku je dostavljen Izvod o promjenama i stanju po transakcijskom računu na dan 29.09.2008. godine koji u svrsi doznake opisuje da se radi o naknadi po Zapisniku o ekproprijaciji broj 07312861-3/08 KUP 1708, koji potvrđuje da je isplaćena cijena za eksproprisano zemljište. Nadalje navodi, da mu je dostavljena kopija knjige ulaznih faktura za obračunski period gdje se pod brojem 1704 vodi faktura od stečajnog dužnika, ranijeg naziva Zovko d.o.o. Žepče, u iznosu od 14.720,00 KM, te Izvod o plaćanju na dan 28.08.2008. godine u iznosu od 14.720,00 KM. Dostavljena mu je i kartica šifra dobavljača konto 5410 iz kojeg je vidljivo da je navedena ekproprijacija uredno provedena, dok je u knjigama društva pronašao dnevnik za period od 01.01.2008. godine do 31.12.2008. godine koji potvrđuje da je dana 29.09.2008. godine stečajni dužnik zaprimio uplatu. Stečajni upravnik je izjavio da su nekretnine upisane u zk. uložak broj K.O. STRANE, eksproprisane Rješenjem broj 07-31-3173-3/08 od 01.09.2008. godine, za koje je i stečajnom dužniku isplaćena naknada u iznosu od 14.720,00 KM dana 29.09.2008. godine, pa iste nekretnine ne predstavljaju vlasništvo niti imovinu društva. Kada je u pitanju ostala imovina društva, isto ne posjeduje nekretnine što proizilazi iz Uvjerenja Općinskog suda u Žepču broj 044-0-Rez-23-003103 od 05.05.2003. godine, društvo na osnovu iskazanih finansijskih vrijednosti u Bilansu stanja na dan 31.10.2022. godine nema evidentirana stalna sredstva, zalihe, novac na blagajni, niti bilo kakvu drugu imovinu. Obaveze iskazane u Bilansu stanja na dan 31.10.2022. godine iznose 10.593,00 KM i imaju tendenciju stalnog rasta. Društvo ima otvorene račune u bankama UniCredit, Raiffeisen Bank i Addiko, od kojih su neki blokirani duže od 12 godina. Navodi da postoje razlozi za otvaranje stečajnog postupka, da stečajni dužnik nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka, da je utvrđena je platežna nesposobnost dužnika, zbog čega je predložio da sud pozove povjerioce i zainteresovana lica da predujme troškove vođenja postupka u iznosu od 5.000,00 KM, a u protivnom ukoliko niko ne predujmi navedeni iznos da sud otvori i istovremeno zaključi stečajni postupak i briše navedeno pravno lice iz evidencije privrednih subjekata.

Podneskom od 23.09.2024.godine Uprava za indirektno- neizravno oporezivanje FBiH, Regionalni centar Sarajevo, je obavijestila sud da je stečajni upravnik dostavio dopunu izvještaja, te i Zapisnik o raspravi za sporazumno određivanje naknade pred organima uprave za eksproprisane nepokretnosti broj 07-31-2861/32-08 od 28.08.2008.godine i Izvod o promjenama i stanju na transakcijskom računu na dan 29.09.2008.godine iz kojeg je utvrđeno da je JP Ceste FBiH d.o.o. uplatio na račun stečajnog dužnika iznos od 14.720,00 KM, što je dokaz u ovom postupku da je promet nekretnina izvršen prije stavljanja zakonske hipoteke od strane ovog povjerioca .

Kako Izvještaja i Dopunskog izvještaja privremenog stečajnog upravnika, kao i dostavljene dokumentacije uz izvještaj, nedvojbenim proističe da stečajni dužnik ima obaveze, a da nema imovine, pa ni za troškove stečajnog postupka, to je sud primjenom odredbe člana 102. stav 7. i 8 . Zakona o stečaju („Službene novine F BiH“, broj 53/21) pozvao povjerioce i zainteresovana lica da uplate predujam za obezbjeđenje troškova stečajnog postupka. Visina troškova srazmjerno je određena troškovima stečajnog postupka koji su od strane privremenog stečajnog upravnika procijenjeni na iznos od 5.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. stav 3. Zakona o stečaju, a ovim rješenjem povjerioci i zainteresovana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:
Protiv ovog rješenja nije
dozvoljena žalba.

Stečajni sudija
Amela Sinanović, s.r.